

*art. 640.* Multa sunt scitu digna circa aquarum fluenta : legatur Codex civilis ab articulo præcedente 640 usque ad art. 645.

Servitus legalis illa est quæ lege, absque ulla conventione particulari, stabilita et firmata est pro bono publico vel communali, aut pro utilitate privatorum. *Cod. civ. art. 649.*

*Pro utilitate publica vel communali, ut, v. g., in ripis fluminum navigabilium, via qua homines navigia trahentes incedere possint; obligatio vias publicas reficiendi vel in bono statu conservandi, vias scilicet quæ ad gubernium non pertinent. Art. 650.*

*Pro utilitate privatorum, v. g.: 1º jus gallice dictum droits d'indivis, quod est servitus qua diversi proprietarii, qui diversa ejusdem domus tabulata possident, pro sua portione ad communes reparationes faciendas simul concurrent tenentur. Cod. civ. art. 664. 2º Jus quo aliquis vicinum cogere potest ad proprietates sibi invicem contingentes communibus expensis separandas. Art. 646. 3º Jus seu potius facultas jus obtinendi, dato pretio, per alterius fundum transeundi, vel animalia conducendi. Cod. civ. art. 682. 4º Jus habendi, in determinatis tantum circumstantiis, fenestras quæ alterius predium respiciant, prohibito altius ædificationes extollendi, stillicidia in tectum vel arenam vicini avertendi. Cod. civ. art. 678, 681 et 689.*

Servitus conventionalis est illa quam privati inter se contractu speciali statuunt. Quascunque voluerint servitutes ita statuere possunt, modo præteritam non redoleant feodalitatem, nec bono publico adversentur. *Cod. civ. art. 686.*

Servitutes autem cessant, 1º per conditionis non-ademptionem vel illius extinctionem, quando erant conditio-natae; 2º per renuntiationem illius in cuius gratiam existunt; 3º per consolidationem, si nempe idem homo fiat utriusque dominii proprietarius; 4º per præscriptionem juxta regulas superius expositas; 5º per circumstantiarum mutationes, ita ut usus servitutum fiat impossibilis. Ubi vero, per novam mutationem, usus earundem servitutum

fit possibilis, iterum existunt, nisi præscriptio sit completa. Servitutes autem absque titulo per 30 annos præscribuntur. *Cod. civ. art. 703 et seq.*

Multa circa diversas servitutes in Codice civili statuuntur sub titulo *des Servitudes*: hæc ibi legantur.

## PARS SECUNDA.

### DE INJURIA ET RESTITUTIONE IN GENERE.

Cum, ex dictis, certum sit homines in quædam bona habere dominium, modo tantum utile, modo perfectum, sequitur inter ipsos jus proprie dictum existere. Violatio istius juris dicitur *injuria*, quæ proinde recte definitur: *Voluntaria juris alieni violatio.*

Injuria hæc de genere suo peccatum est mortale, nam intra specie suæ limites sistendo, graviter rectæ rationi et bono ordini adversatur; sed non semper rectæ rationi et bono ordini graviter adversatur; dari enim potest levitas materiæ, ut omnes fatentur: ergo de toto genere suo non est peccatum mortale, id est, aliquando fieri potest levis defectus gravitatis materiæ. Quandonam autem hæc injuria sit gravis, quandonam vero sit levis, ex prudentium viorum aestimatione judicandum est.

*Quæritur utrum scienti et volenti fiat injuria proprie dicta.*

R. Scienti et libere ac valide volenti nulla fit injuria; quia tunc, omnibus fatentibus, ibi non est violatio juris proprie dicta. Tres tamen inveniri debent conditions, scilicet: 1º requiritur plenus consensus, id est, consensus qui a voluntate cum cognitione eorum in quibus est actio, procedat. Hinc qui pecuniam indebitam, falso debitam esse credens, solvit, veram patitur injuriam, quia adest error intellectus; pariter qui pecuniam offert malefactori aliquod malum minitanti, ad malum istud avertendum,

patitur injuriam, quia non nisi invitus hanc pecuniam largitur.

2º Requiritur ut consentiens valide consentire valeat, alioquin consensus ejus foret nullus: unde donationes a pupillo oblate acceptari non possunt, quin injuria, non quidem personalis, sed realis et lege fundata, ipsi inferatur. Item maritus qui consentiret ut alter uxore sua abuteretur, illegitime consentiret, quia jus suum cedere non potest, ita disponente lege diuina, tum naturali, tum positiva; voluit enim Deus ut essent duo in carne una: merito igitur Innocentius XI hanc damnavit propositionem: « Copula cum conjugata, consentiente marito, non est » adulterium, ideoque sufficit in confessione dicere se esse » fornicatum. »

3º Requiritur ut consensus agenti sit notus, alioquin formalis existeret injuria. Non requiritur ut sit expressus, sed rationabiliter præsumptus sufficit. Ne tamen dominus rei, præter opinionem, de facto non consentiat, intentionem habere agens damnum quod inde sequitur resarcendi.

Restitutio definitur: *Justitiæ commutatiæ actus quo res alteri debita redditur, aut damnum injuste illatum reparatur.*

Dicitur 1º *justitiæ commutatiæ actus*; nam ex violatione solius justitiæ commutatiæ nascitur obligatio restituendi, *ut infra dicturi sumus.*

Dicitur 2º *quo res alteri debita*; nulla enim est nec esse potest obligatio rem indebitam reddendi.

Dicitur 3º *redditur*, non vero solvitur; quia restitutio supponit rem jam antea illius fuisse cui redditur, et e contra, solutio rem tradit ei cujus nondum fuit.

Dicitur 4º *aut damnum injuste illatum*, etc. Quamvis enim res ablata penes eum qui injuriam fecit non existat, stricta tamen adest obligatio damnum inde proveniens reparandi, *ut infra dicemus.*

Dicitur 5º *injuste*, quia si justam ob causam damnum fuerit illatum, v. g., ad inculpatam defensionem, nulla est obligatio illud reparandi.

His præmissis, secundam hanc partem in quinque dividimus quæstiones: in 1ª videbimus quæ sit obligatio restituendi et unde oriatur; in 2ª, quisnam ad restitutionem teneatur, et quid ac quantum restituere debeat; in 3ª, cuicunq; restitutio fieri debeat; in 4ª, quæ circumstantiae observandæ sint in restitutione facienda; in 5ª, expendemus quænam causæ restitutio excusat.

### QUESTIO PRIMA.

*Quænam sit obligatio restituendi, et unde oriatur.*

Hujus quæstionis duplex erit articulus: in 1º de obligatione restituendi agemus, et in 2º de restitutionis radibus.

### ARTICULUS PRIMUS.

#### DE OBLIGATIONE RESTITUENDI.

Existere præceptum restituendi nonnulli olim negarunt Græci qui, teste *Alphonso a Castro*, sic ratiocinabantur: Nemo bonum suum temporale saluti æternæ proximi anteponere potest: sed qui restitutionem exigeret, bonum suum temporale saluti æternæ proximi anteponeret, siquidem efficeret ut alter non restituens peccaret et damnaretur: præcepto igitur charitatis rem suam illi condonare tenetur, ac proinde nulla est obligatio restituendi. Contra quos sit cum omnibus theologis

#### PROPOSITIO.

*Restitutio in re vel in voto absolute necessaria est ad salutem.*

Prob. 1º *Scriptura sacra. Ezech. xxxiii, 14: Si autem dixeris iniquum: Morte morieris, et egerit poenitentiam a peccato suo, seceritque judicium et justitiam, et pignus restituerit ille iniquus, rapinamque reddiderit, vita vivet et non morietur.*

*Epistola B. Jacobi, v, 4: Ecce merces operariorum....*

*quæ fraudata est a vobis, clamat : et clamor eorum in aures Domini Sabaoth.* Unde sic : Illud necessarium est sine quo impius non vivet, et cuius violatio dicitur clamare in aures Domini : voces enim illæ grave denotant peccatum : atqui, ex Ezechiele, impius non vivet, nisi pignus restituerit et rapinam reddiderit ; ex B. Jacobo, transgressio hujus præcepti dicitur in aures Domini clamare : ergo.

*Prob. 2º ex S. Aug., Epist. 54, num. 153 ad Macedonium, quæ in jure canonicō refertur, causa 14, q. 6, can. 1 :* « Si res aliena propter quam peccatum est reddi potest et non redditur, poenitentia non agitur, sed singitur : si autem veraciter agitur, non remittitur peccatum, nisi restituatur ablatum, sed, ut dixi, cum restitui possit. » Ergo.

*Prob. 3º ratione.* Lex naturalis clamat : *Alteri ne feceris quod tibi fieri non vis ; Unicuique suum tribuendum est :* 1º autem hæc legis naturalis præcepta violentur quando res aliena non restituitur, cum restitui possit ; 2º si non esset obligatio restituendi ablatum, iura essent vana ac illusoria, omnis ordo turbaretur ; quod certe admitti non potest. Ergo.

Diximus *in re vel in voto* ; aliquando enim impossibile est rem ablatam aut ejus valorem reddere ; qui autem in tali constituitur impossibilitate, a restitutione in re excusat, sed a restitutione in voto nunquam excusari potest, id est semper firmum habere debet propositum restituendi quando poterit, si enim hujusmodi non haberet propositum, eo ipso affectionem ad rem malam retineret, sique in peccato habituali versaretur. Ergo.

*Hinc patet 1º eum qui ad restitutionem tenetur, statim restituere debere, si possit, et totum, si possit totum ; si vero partem tantum restituere valeat, partem possibilem reddere non differat.*

*Hinc patet 2º illum eo magis peccare quo magis restitutionem sine ratione sufficienti differt, atque novum committere numero peccatum quoties expresse aut tacite propositum non restituendi renovat : expresse quidem, cum positive statuat alienum detinere ; tacite vero, cum alie-*

num se detinere advertens, illud restituere sibi non proponit : itaque declarare tenetur in confessione, et confessarius ab illo querere debet 1º a quo tempore rem alienam detineat ; 2º an eam semper vel totam, vel ex parte restituere potuerit ; 3º an voluntatem eam retinendi pluries iteraverit.

*Hinc patet 3º confessarium non debere eum absolvere qui, restitutioni obnoxius, firmum non habet propositum restituendi : illi autem merito judicantur firmum non habere propositum restituendi, 1º qui facultatem illud faciendi comparare negligunt ; 2º qui bis aut ter promiserunt se restituuros, et promissis defuerunt ; 3º qui in articulo mortis restitutionem hæredibus suis faciendam committere volunt, cum illam per se ipsos facere possent ; 4º ii qui totum restituere possent, et partem tantum restituere volunt.*

*Quæritur utrum præceptum restituendi sit affirmativum vel negativum.*

*R.* Est simul affirmativum et negativum, et primario negativum : 1º est affirmativum ; nam aliquid faciendum jubet, scilicet rem alienam reddere ; 2º est etiam negativum siquidem prohibet ne res aliena retineatur ; 3º primario est negativum ; ideo enim rem alienam reddere temur, quia illam detinere prohibemur. Ergo.

## ARTICULUS SECUNDUS.

### DE RADICIBUS RESTITUTIONIS.

Ex triplici radice obligatio restituendi oriiri potest, nempe ex ipsa re aliena injuste ablata et detenta, ex damno injuste illato, et ex violatione contractus aut quasi-contractus ; nam jus alterius triplici hoc modo violari potest : 1º si res ejus auferatur et ei non reddatur, quia, juxta notissimum juris axioma in ratione fundatum et ab omnibus admissum : *Res clamat domino* ; 2º si damnum illi injuste inferatur, v. g., si domus ejus incendatur ; 3º si contractus cum illo juste initus violetur, aut si res ipsius male tractetur.

*Quæritur 1º an ex sola justitia commutativa obligatio restituendi oriatur.*

*R. affirmative.* Nulla enim est obligatio restituendi, nisi jus strictum alterius violetur : atqui jus strictum non violatur nisi per actum contra justitiam commutativam, *ut ex ipsius definitione patet* : ergo.

Sed dicendum est justitiam commutativam sæpe cum justitia legali, distributiva, aut etiam cum vindicativa conjugi ; ibi enim adest justitia commutativa, ubi jus strictum inter unum et alterum existit : at in justitia legali sæpe jus strictum inter unum et alterum existit, sic 1º jus strictum habet princeps ut subditi hæc ipsi præsent sine quibus eos regere non posset, scilicet tributa, obsequia, quando requiruntur, etc. Subditi pariter jus habent ut princeps recte eos gubernet, et onera necessitatem publicam excedentia eis non imponat ; societas pariter jus habet ut superior nullum ei inferat damnum, sed, e contra, bono ipsius invigilet ; sic 2º innocentes jus habent ut non puniantur, et nocentes ut non puniantur ultra culpam ; sic 3º parochiani pauperes jus habent, pro ratione suæ paupertatis, ad eleemosynas pauperibus ejusdem parochiæ ab aliqua persona destinatas, et a parocho, v. g., distribuendas.

Unde sæpe ex violatione justitiae legalis, distributivæ aut vindicativæ nascitur obligatio restituendi, quia simul justitia commutativa violatur : v. g., qui officia, sive ecclesiastica, sive etiam civilia, committit indigno, jus strictum societatis religiosæ vel civilis violat, damnum illi infert et ad illud reparandum tenetur. Nullam tamen debet restitutionem digniori quem eligere debuisset : ita saltem numerosior et senior pars theologorum. Qui enim eligi debuisset, jus ad officium ante collationem non habuit, alioquin illud tanquam rem suam petere, et coram judicibus exigere potuisset ; quod nemo affirmare auderet. Præterea, ideo jus strictum ad illud officium haberet, quia est aptior : verum hæc qualitas jus illi non confert ; alioquin artifex peritior jus strictum haberet ut in labore cæteris anteponeretur, quod evidenter falsum est. Ergo.

Sic *Lessius*, l. 2, cap. 34, n. 72 ; *card. de Lugo*, d. 35, n. 75, et *Vogler*, n. 215, cum multis aliis.

*Quæritur 2º utrum obligatio restituendi semper supponat culpam.*

*Notandum* duplēm distingui culpam, videlicet theologicam et juridicam.

Culpa theologica ea est qua Deus offenditur, seu est peccatum, sive mortale sive veniale.

Culpa juridica est debita diligentiæ omissione qua damnum infertur. Olim distinguebantur culpa lata, culpa levis et culpa levissima ; sed hæc distinctio nunc accepta non videtur ; illa prætermissa, lex simpliciter dicit culpam juridicam eam quam admittit homo qui, circa bonorum suorum administrationem vel aliorum jura servanda, non se habet tanquam bonus pater-familias. Vetus tamen distinctio aliquoties inservire potest.

*R. 1º* obligationem restituendi non semper supponere culpam : qui enim rem aliam detinet, eam restituere tenetur : at fieri potest ut quis rem alienam sine ulla culpa habeat, v. g., si ovis gregi ejus se immiscuerit, vel si equum alienum concenterit, ut e manibus latronum facilius se eriperet ; pariter, si ex conventione obligationem sibi imposuit rem alienam, etiam casu fortuito peritaram, reddendi : in omnibus his casibus ab omni culpa est immunis, et tamen ad restitutionem tenetur. Ergo.

*R. 2º* cum maxima theologorum parte, nullam esse obligationem, extra contractum, reparandi damnum sine ulla culpa theologica illatum.

*Prob.* Actio qua damnum alteri infertur, non potest ab omni culpa theologica immunis esse, nisi in duplice casu, nempe, vel quia agens jus ad illam actionem habet, vel quia non prævidit nec prævidere potuit damnum alterius inde secuturum esse : at in neutro casu existit obligatio damnum reparandi. Non in priori ; nulla est enim obligatio damnum reparandi nisi jus alterius strictum violetur ; sed jus alterius violari non potest per actionem ad quam faciendam agens jus habet, quia jura naturalia opposita esse non possunt. Non magis in posteriori casu ; damnum

enim de quo hic agitur imputari non potest agenti; censetur advenisse per accidens. *Ita generaliter theologi.* Vide *Vogler*, n. 93.

*Hinc* 1º ut quis damnum reparare teneatur, non sufficit quod illius fuerit causa efficax, sed insuper requiritur ut voluntarie illud intulerit. 2º Omissio diligentiae debitae obligationem damnum reparandi non imponit nisi fuerit voluntaria; sine voluntate enim nullum est peccatum. 3º Hoc admitti non debet axioma: *Suum cuique factum nocet*, nisi factum illud, quatenus est damnificativum, a libera voluntate procedat. 4º Non magis valet alterum istud adagium: *Melior est conditio innocentis*, nam qui damnum infert, est etiam innocens, siquidem, ex hypothesis, non peccavit.

Attamen, possunt esse leges positivæ quæ statuant restituendum esse, etiamsi non adfuerit culpa theologica, sed tantum culpa juridica, et quibus omnes in conscientia obediunt teneantur. Leges enim hujusmodi justæ sunt; per se et ante omnem eventum omnes æqualiter obligant, bonum promovent, et non falsa præsumptione facti, sed motivis extrinsecis boni publici nituntur.

Leges autem illæ non obligant ante sententiam judicis; id enim non est necessarium ad scopum intentum, nimis durum foret, verbis legis non exigitur, et revera non requiritur neque a theologis, neque a jurisperitis. Vide *Les-sium*, l. 2, cap. 7, n. 50; card. *de Lugo*, dist. 8, n. 49; *Vogler*, n. 93, etc.

Attamen si ageretur de re clara, et si damnificatus certo recurrere vellet ad judicem et jus suum evidens prosequeretur, non expectanda esset, saltem ex charitate, sententia judicis; sed, illo potente, restituendum foret.

### QUÆSTIO SECUNDA.

*Quinam ad restitutionem teneantur, et quid ac quantum restituere debeant?*

Triplex est radix restitutionis, ex dictis, nempe res aliena detenta, damnum injuste illatum et violatio con-

tractus aut quasi-contractus. De obligatione restituendi, ex contractu aut quasi-contractu orienti, in speciali *de Contractibus* Tractatu agemus; nobis igitur nunc dicendum est de iis qui ad restitutionem tenentur, sive ratione rei alienæ detentæ, sive ratione damni injuste illati. Hanc questionem in tribus solvemus articulis: 1us erit de possessione rei alienæ, 2us de injusto damnificatore; in 3º examinabimus quantum singuli damnificantes restituere debant, et in quo ordine.

### ARTICULUS PRIMUS.

#### DE POSSESSORE REI ALIENÆ.

Possessio definitur in novo Codice, articulo 2228: *La détention ou la jouissance d'une chose ou d'un droit que nous tenons ou que nous exerçons par nous-mêmes, ou par un autre, qui la tient ou l'exerce en notre nom.* Hanc definitionem in propria Codicis lingua referendam esse duximus, quia eam in linguam latinam accurate vertere sat difficile nobis videtur.

Possessor autem rei alienæ potest esse vel bonæ, vel male, vel dubiæ fidei. Est bonæ fidei, si post adhibitam sufficientem diligentiam, prudenter judicat et credit rem esse suam; est malæ fidei, quando advertit et advertere potuit rem quam detinet esse alienam; est autem dubiæ fidei, si quædam ipsi adsint rationes dubitandi an res sit sua vel aliena. De his in tribus paragraphis dicemus.

#### § I.— De possessore bonæ fidei.

*Certum est* 1º possessorem bonæ fidei non peccare quādiu bona ipsius fides perseverat, atque sine ullo peccato de re aliena, sicut de sua disponere posse, eam donando, vendendo, etc.

*Certum est* 2º eum rem alienam reddere teneri statim ac advertit non esse suam, nisi tempus ad legitime præscribendum sit completum, et aliæ inveniantur conditions